



DET KONGELIGE DIGITALISERINGS- OG FORVALTNINGSDEPARTEMENT

Datatilsynet
Postboks 458 Sentrum
0105 OSLO

Dykkar ref.

Vår ref.

Dato

19. desember 2024

Tildelingsbrev 2025 – Datatilsynet

1. Innleiing

Digitaliserings- og forvaltningsdepartementet (DFD) viser til Stortinget si behandling av Prop. 1 S (2024–2025) for Digitaliserings- og forvaltningsdepartementet, jf. Innst. 16 S (2024–2025), vedtatt 17. desember 2024.

Departementet gir i tildelingsbrevet Datatilsynet fullmakt til å disponere utgifts- og inntektsløyvingane for 2025, jf. reglement for økonomistyring i staten § 7. I brevet fastset departementet òg krav til Datatilsynet og delegerer fullmakter.

Saman med tildelingsbrevet legg hovudinstruksen rammene for verksemda til Datatilsynet i 2025.

Vi ber Datatilsynet ta opp eventuelle uklarleikar så snart som mogleg.

2. Overordna prioriteringar og utfordringar

Digitalisering er eit nødvendig verktøy for å løyse mange av dei store utfordringane i samfunnet. Noreg har derfor eit mål om å bli verdas mest digitaliserte land innan 2030. For å nå dette målet må vi sjå til at personvernet er sikra i all digitalisering. Den nasjonale digitaliseringsstrategien skal bidra til å sjå personvernet i eit heilskapleg perspektiv og sikre eit godt personvern for alle.

Postadresse
Postboks 8004 Dep
0030 Oslo
postmottak@dfd.dep.no

Kontoradresse
Akersg. 59
www.dfd.dep.no

Telefon*
22 24 90 90
Org.nr.
932 384 469

Avdeling
Avdeling for IT- og
forvaltningspolitikk

Saksbehandlar
Mitra Zarabi

Samstundes som godt personvern er ein føresetnad for vellykka digitalisering, skaper digitale tenester enorme mengder informasjon om den enkelte. Informasjonen er verdfull og nødvendig i produksjon og utvikling av svært mange tenester. Målsettinga om auka deling av data i offentleg sektor kan utfordre personvernet og svekke tilliten innbyggjarane har til tenestene. Myndigheitene har derfor eit særleg ansvar for at personvernet til den enkelte er sikra ved utvikling og bruk av digitale tenester. Når personopplysningar blir delt og brukt på nytt, må det skje på ein personvernvenleg måte. Innbyggjarane må få god informasjon om korleis opplysningane blir brukt. Det er eit mål at innbyggjarane skal kjenne sine rettar, men ansvaret for eit godt personvern skal ligge hos verksemda som behandlar personopplysningane.

Digitale tenester er effektivt både for innbyggjarane, næringslivet og forvaltninga. Stabile, pålitelege og personvernvenlege system er grunnleggjande for at innbyggjarane skal ta i bruk digitale tenester frå både forvaltninga og næringslivet. Det er særleg viktig å sikre at barn, unge og andre sårbare grupper blir vareteke på ein god måte. Digitale tenester er ein stor del av kvardagen til barn og unge, men dei har andre føresetnader enn vaksne for å forstå konsekvensar av handlingar på nett og kva rettar dei har. Det er eit mål for regjeringa at barn og unge skal ha ein trygg digital oppvekst. Alle må kunne bruke digitale tenester utan å frykte at personvernet blir krenkt. Derfor er det nødvendig å fortsette arbeidet for at dei som behandlar personopplysningar skal kjenne regelverket og forstå viktigheita av å iverksette tiltak for å etterleve reglane. Det offentlege må føre an og sikre gode løysingar og avhjelpe skeiv maktbalanse der den er eit hinder for godt personvern.

Utanlandske aktørar kan vere involverte i behandlinga av personopplysningar når norske innbyggjarar bruker digitale tenester. Personvernforordninga føreset eit betydeleg samarbeid mellom dei europeiske personvernmyndigheitene. Både europeisk og anna internasjonalt personvernsamarbeid er avgjerande for at vi skal lykkast med å vareta personvernet til norske innbyggjarar, og sikre godt personvern både nasjonalt og internasjonalt.

3. Mål for 2025

Hovudmålet på personvernområdet er eit godt personvern for alle. Gjennom den kompetansen og myndigheita, og dei oppgåvene som følger av lov om behandling av personopplysningar 15. juni 2018 nr. 38 (personopplysningsloven) §§ 20 og 21 og generell personvernforordning 2016/679 artikkel 55 til 59, har Datatilsynet, som fagmyndigheit og tilsynsorgan, eit særleg ansvar for å bidra til å nå dette målet.

Regjeringa vil frem mot 2030 sikre personvernet i all digitalisering. Datatilsynet har ei viktig rolle i arbeidet for å oppnå dette. Alle relevante IT-løysingar i offentleg sektor skal ha innebygd personvern, og regjeringa skal sørge for personvernet til innbyggjarane i møte med dei store teknologiverksemdene. Eit godt personvern for alle inneber at både innbyggjarar, verksemdar, organisasjonar og offentleg forvaltning skal kjenne og etterleve personvernregelverket. Datatilsynet skal arbeide for å gi mest mogleg konkret rettleiing til alle

desse målgruppene. Auka datadeling i offentleg sektor forutset godt regelverk, god rettleiing og effektiv handheving av regelverket.

3.1 Regulatorisk sandkasse for personvernvenleg innovasjon og digitalisering

For å legge til rette for utvikling av innovative løysingar som bruker personopplysningar på ein trygg og lovleg måte, skal Datatilsynet halde fram med å drifte ei regulatorisk sandkasse for personvernvenleg innovasjon og digitalisering. Tilsynet skal bruke 6 mill. kroner av budsjettet til å drifte sandkassa. I sandkassa kan offentlege og private verksemdar få tilpassa og dialogbasert rettleiing slik at dei kan utvikle og ta i bruk kunstig intelligens og annan innovativ teknologi på ein personvernvenleg måte.

Datatilsynet skal på eigna måte følgje opp funna frå Agenda Kaupang sin evaluering av sandkassa, «Evaluering av Datatilsynets sandkasse for kunstig intelligens». Datatilsynet skal rapportere om drift av sandkasse og oppfølginga av evalueringa i årsrapporten jf. pkt. 7.2.

3.2 Trygg digital oppvekst

Regjeringa meiner det er nødvendig å gi barn og unge ein tryggare digital oppvekst. Som eit ledd i dette, får Datatilsynet i oppdrag å styrke arbeidet med barn og aldersgrenser på sosiale medium.

Datatilsynet skal styrke arbeidet med å sette barn, foreldre og eksterne aktørar, som skular, idrettslag og foreningar, betre i stand til å ivareta personvernet til barna, til dømes gjennom informasjon og rettleiing knytt til sosiale medium. Rettleiingsmaterialet bør vere tilpassa slik at skulane kan bruke det i undervisninga, og frivillige organisasjonar, foreningar og liknande kan bruke det i si informasjonsformidling til barn og unge. På førespurnad skal tilsynet gi råd og rettleiing knytt til personvernvenlege aldersverifiseringsløysingar. For å nå målet om ein trygg digital oppvekst skal tilsynet nytte eigna verkemiddel, slik som tilsyn og rettleiing. Tilsynet skal halde fram samarbeidet med andre aktuelle aktørar der det er behov for det.

Vidare skal tilsynet styrke det internasjonale arbeidet knytt til trygg digital oppvekst. Tilsynet skal arbeide for at dei store teknologiselskapa varetek barn og unges særlege behov i tenestene dei tilbyr.

3.3 Nasjonal digitaliseringsstrategi

Nasjonal digitaliseringsstrategi (2024-2030) set mål for framtidens digitale Norge og angir tiltak regjeringa meiner er nødvendige for å sikre personvernet i digitaliseringa. Datatilsynet må vere førebudd på å bidra inn i arbeidet med oppfølginga av strategien. Dette gjeld mellom anna rettleiing og handheving av personvernregelverket, å stimulere til utvikling og bruk av personvernvenleg teknologi og til meir bruk av bransjenormer, felles verktøy, erfaringsdeling og sertifisering for personvern.

4. Andre føresetnadar og krav

4.1 Fellesføringar 2025

Systematisk og heilskapleg arbeid for å redusere klimagassutslepp, naturfotavtrykk og energibruk

Det er eit mål med systematisk og heilskapleg arbeid for å redusere klimagassutslepp, naturfotavtrykk og energibruk. Datatilsynet skal følgje opp dette målet. Verksemda skal ta omsyn til ivaretaking av kjerneoppgåver og kostnadseffektivitet i dette arbeidet.

Datatilsynet skal òg vurdere korleis klimaendringane vil påverke verksemda. Datatilsynet skal gjere systematiske vurderingar av eige energibruk og ta i bruk lønsame, energieffektive løysingar, og auke energifleksibiliteten der dette er relevant.

Positiv utvikling i tal på tilsetjingar av personar med funksjonsnedsetjing og/eller fråvær frå arbeid, utdanning eller opplæring

Regjeringa har høge ambisjonar for inkludering og mangfald. Statlege verksemder skal ha ei positiv utvikling i tal på tilsetjingar av personar med funksjonsnedsetjing og/eller fråvær frå arbeid, utdanning eller opplæring. Arbeidsgjevarane skal i samarbeid med dei tillitsvalde sjølv definere eit føremålstenleg ambisjonsnivå for verksemda, ut frå eigenart og storleik.

Datatilsynet skal i årsrapporten oppgje tal på tilsetjingar av personar med funksjonsnedsetjing og/eller fråvær frå arbeid, utdanning eller opplæring i 2025, og det totale talet på tilsetjingar i verksemda i 2025. Verksemda skal òg omtale utviklinga i 2025 samanlikna med rapporteringa si for 2024.

Redusere bruk av konsulentar

Det er eit mål at staten samla sett skal redusere bruk av konsulentar ved å utvikle eigen kompetanse. Datatilsynet skal arbeide for å redusere bruk av konsulentar på områder der verksemda kan bruke interne ressursar og kompetanse. Utover informasjons- og haldningskampanjar skal ein som hovudregel ikkje bruke tenester frå kommunikasjonsbransjen. Datatilsynet skal i årsrapporten for 2025 rapportere om bruk av konsulentar og oppfølginga av fellesføringa, irekna totalbeløp for kjøp av konsulenttenester, kva tiltak som er sett i verk og konkrete resultat. Om det er fagområde og/eller kompetanseområde der konsulentar blir brukt i særleg grad i verksemda, skal bakgrunnen for dette omtalast nærare.

Datatilsynet skal som ein del av rapporteringa òg gi ein overordna omtale av eventuelle kjøp av konsulenttenester frå kommunikasjonsbransjen (alle typar kommunikasjonstenester) i 2025 og opplyse om totalbeløp for kjøp av slike tenester. Om utgiftene til kjøp av konsulenttenester er vesentlege, bør verksemda spesifisere det nærare i note til årsregnskapet. Om verksemda har større kjøp av konsulenttenester frå andre statlege leverandørar, bør dette omtalast særskild.

DFD vil sende ut eit oppdatert rundskriv om fellesføringane tidleg i 2025.

4.2 Oppmodningsvedtak 197 (2022-2023)

DFD viser til oppmodningsvedtak nr. 197 (2022-2023) frå Stortinget om å «utrede omfanget av og utfordringene rundt lagring av biometriske data fra norske forbrukere på sosiale medieplattformer». DFD har i brev av 18.10.2024 bedt Datatilsynet om bistand til å innhente informasjon. Datatilsynet skal gjennomføre arbeidet innan 1. april 2025. Tilsynet skal raskt ta kontakt med departementet viss det oppstår tvil om forståinga av oppdraget. Informasjonen frå Datatilsynet vil leggje grunnlaget for vidare arbeid med oppfølginga av oppmodningsvedtaket i DFD.

4.3 Samarbeid med Digitaliseringsdirektoratet og Nasjonal kommunikasjonsmyndighet

Dei siste åra har EU vedtatt ei lang rekke regelverk på det digitale området. Desse er, eller er i ferd med å bli, gjennomførte i norsk rett. Fleire av regelverka legg opp til at rettleiing og tilsyn kan delast mellom fleire nasjonale organ. Både Digdir, Nkom og Datatilsynet har, eller må rekne med å få, oppgåver etter fleire av desse regelverka. Nokon oppgåver kan vere til dels overlappende. I 2025 skal dei tre etatane ytterlegare styrke dialogen og samarbeidet om fagområde der to eller alle har eller vil få ansvar og oppgåver. Eksempel på slike område er deling av data, kunstig intelligens og informasjonstryggleik.

Digdir, Nkom og Datatilsynet skal saman utarbeide eit forslag til rammer for samarbeidet. Frist 2. mai 2025.

4.4 Oppfølging av evalueringa frå DFØ om Datatilsynet

DFØ har på oppdrag frå DFD evaluert Datatilsynet i DFØ-rapport 2024:8 «*Både vaktbikkje og førerhund?*» Evalueringa tar for seg spørsmåla om korleis Datatilsynet varetek sine rollar og oppgåver og kva for forbetringar det er behov for i lys av framtidige utfordringar på personvernområdet. Datatilsynet skal følgje opp relevante funn frå evalueringa og gi ein orientering til departementet om framdrift og status i arbeidet per 2.6.2025 og 1.12.2025.

5. Budsjettildelingar

5.1 Budsjettrammer 2025

I tråd med Stortingets vedtak blir følgjande utgifter tildelte og inntekter fastsette for Datatilsynet i 2025:

Utgifter

Kap. 1550 Datatilsynet

[tal i tusen kr]

Post	Nemning	Budsjett 2025
01	Driftsutgifter	84 979
	Sum kap. 1550	84 979

Budsjettet skal dekke drift og løpende oppgaver i Datatilsynet. Midla skal mellom anna dekke husleige, lønn, vidareutvikling og drift av IKT-system, utvikling av digitale kommunikasjonsløysingar, informasjons- og kommunikasjonstiltak, kompetanseutvikling, deltaking i internasjonalt personvernarbeid og lovpålagd samhandling med andre personvernmyndigheiter.

Budsjettet inkluderer 6 mill. kroner som skal dekke kostnader ved drift av ei regulatorisk sandkasse for personvernvenleg innovasjon og digitalisering.

Inntekter

Inntekter som blir ført på kap. 4550 Datatilsynet, post 85 Lovbrottsgebyr og tvangsmulkt kjem frå gebyr og tvangsmulkt for brot på personopplysningsreglane. Dette er ikkje midlar som Datatilsynet disponerer.

6. Fullmakter

Departementet delegerer budsjettmessige fullmakter til Datatilsynet for budsjettåret 2025 som omtalt nedanfor.

I tillegg gjeld dei administrative fullmaktene Datatilsynet har fått delegert i Hovudinstruks av 19.12.2024.

6.1 Fullmakt til å inngå leigeavtalar og avtalar om kjøp av tenester utover budsjettåret

Fullmakta blir gitt på dei vilkåra som går fram av R-110 pkt. 2.3.

6.2 Fullmakt til nettobudsjettering ved utskifting av utstyr

Fullmakta blir gitt for kap. 1500, post 01, på dei vilkåra som går fram av R-110 pkt. 2.2.

7. Rapportering og resultatoppfølging

7.1 Styringsdialog og rapportering gjennom året

Tidspunkta for etatsstyringsmøte og rapporteringar i 2025 går fram av styringskalenderen i vedlegg 1.

7.2 Årsrapport og årsrekneskap for 2025

Datatilsynet skal sende årsrapporten for 2025 til departementet innan 10. mars 2026, med kopi til Riksrevisjonen. Årsrapporten skal tilfredsstillе krava i Hovudinstruksen for Datatilsynet. Rapporten skal innehalde rapportering om måloppnåing og oppdrag omtalte i dette tildelingsbrevet, jf. pkt. 3 Mål for 2025 og pkt. 4 Andre føresetnader og krav, i tillegg til rapporteringskrava som følger av Hovudinstruksen. Saman med årsrapporten for 2025, skal Datatilsynet sende risikovurderingar av mål og strategiske prioriteringar for 2026.

For årsrapport for 2024 gjeld krava til rapportering som følger av tildelingsbrevet for 2024, hovedinstruks datert 28.12.2022 og eventuelle andre rapporteringskrav. Datatilsynet skal sende ein korrekt, dekkande og komplett årsrapport til departementet. Årsrapporten skal ikkje endrast etter at han er send til departementet, med mindre det er særskilde forhold som gjer det nødvendig.

8 Budsjettmessige føresetnader

Datatilsynet har ansvar for å planlegge verksemda i 2025 slik at dei kan nå måla innanfor løyvingane som er stilt til disposisjon i dette brevet, jf. reglement for økonomistyring i staten § 9 og Bestemmelser om økonomistyring i staten pkt. 2.2.

Datatilsynet kan ikkje overskride utgiftsløyvingane eller bruke dei til andre føremål enn føresett av Stortinget, jf. løyvingreglementet § 5.

Datatilsynet har ansvaret for å sette i verk tiltak slik at det ikkje oppstår behov for å auke løyvinga. Departementet føreset at Datatilsynet rapporterer om vesentlege endringar i budsjettføresetnadane med ein gong dei inntreff.

Med helsing

Siri Halvorsen (e.f.)
ekspedisjonssjef

Åste Marie Skullerud
avdelingsdirektør

Dokumentet er elektronisk signert og har derfor ikkje handskrivne signaturar.

Vedlegg: Styringskalender for Datatilsynet for 2025

Kopi til:
Riksrevisjonen

Postboks 6835 St. Olavs 0130 OSLO
plass

Vedlegg**Styringskalender for Datatilsynet for 2025**

<i>Månad</i>	<i>Rapportering/møte</i>	<i>Tidspunkt</i>
Januar	Rapportering til statsrekneskapen	17.01.2025
Februar	Innspel til RNB 2025	14.02.2025
Mars	Årsrapport for 2024	10.3.2025
	Risikovurderingar av mål og oppgåver for 2025	10.3.2025
April	Leveranse til oppmodingsvedtak nr. 197	1.4.2025
	Etatsstyringsmøte	7.4.2025
Mai	Innspel til rammefordeling 2026	2.5.2025
	Forslag til rammer for samarbeid med Nkom og Digdir	2.5.2025
	Innspel til Prop. 1 S (2025-2026)	20.5.2025
	Budsjett- og rekneskapsstatus per 30.4. med prognose ut året	26.5.2025
Juni	Orientering om framdrift i oppfølginga av DFØ-rapporten	2.6.2025
Juli		
August		
September	Budsjett- og rekneskapsstatus per 31.8. med prognose ut året	18.9.2025
	Innspel til nysalderinga 2025	22.09.2025
Oktober	Møte om budsjett 2027	13.10.2025
November	Innspel til nye satsingar 2027	3.11.2025
	Innspel til innsparingstiltak 2027	3.11.2025
Desember	Orientering om framdrift i oppfølginga av DFØ-rapporten	1.12.2025
	Innspel til konsekvensjustering (for 2027)	10.12.2025